

nicae 30 Junii 1532 referisse: Zuanne Maurichi da Famagosta homo maritimo ozi capitato in questa città de Napoli, et fugito di la fusta de Cifut Rays, zuoba a di 27 di l'istante a Cavo Schillo, essendo esso Cifut con le sue 4 fuste de 12 fin 18 banchi arivato li in compagnia de altre galie 12 zioè quelle armate a Galipoli et due altre fuste che tutte vanno per antigharda di l'armada turchesca, dove trovato el modo de fuzir essendo stato dui anni schiavo in essa fusta che'l fo preso al stretto de Gallipoli scapolato de uno gripo del Maeri de Setya che li se ruppe per fortuna, con el qual navigava, et hora con lo aiuto de Dio se ne è fugito di tal misera captivitate, et dice che essa armada zà zorni 21 ussite del streto de Gallipoli che fo di luni a di 10 di l'istante, zioè vele numero 130, di le qual sono galie 90 et fuste 40, et prima andati alli castelli tolseno pan, poi veneno al Tenedo, et poi a Methelim apresso al Sigri et tolseno aqua, dove fugirno assai homeni di l'armada. De 4 partiti se arivò a Syo, 4 giorni da poi el partir del Tenedo, dove fo ben vista essa armada et el capitano fece un gran presente et li stati zorni 6, de dove è partito ditto Cifut con essa antigharda et è venuto al Psara et Negroponte, finalmente arivorno a Cavo Schillo a di 26 dil presente di mercore dove poi el di seguente scampò con l'aiuto de Dio. Domandato si le galie sono ben in ordine de homeni et de artellarie, disse che una galia ha una bombardarda grossa et due altre hombarde mezane et due falconeti, et da le bande altri dui pezzi di ferro. Li galioti sono ulachi et da le montagne et forzo et mal pratici et pochi homini sufficienti sono, vero è che sono assai christiani per cadauna galia, et quasi da alboro a prova tutti sono christiani per cadauna galia greci, et de ogni generation. Li turchi galioti hanno tre aspri al zorno et li christiani quattro aspri per uno et de christiani ne sono parte per forza et parte per voluntà, et il forzo de li comiti et oficali sono christiani si che di zurme non sono troppo in ordine, non se poleno aiutar a vogar, altri vuoga, altri scia, et spesso se intrigano, et in canal de Syo li afazò uno poco di vento e se intrigò una frotta de galie insieme che stentono fin mezo zorno a desbaratarse. Domandato che modo e che abondantia de pan ha essa armada, disse el signor pagà li compagni et balestrieri et galiotti a danari contadi et loro se fanno le spexe. Domandato dove va essa armada, dice che'l se divulga che la vada a Modon et poi a invernar a la Valona. Domandato se sopra esse galie

sono altri homeni de più di le zurme consuete, over cavalli, over altre sorte monition oltra quello che fa bisogno alle galie, disse de non. Domandato se sono altre nave, galioni over schirazi con monition, homeni, artellarie, over cavalli, disse niente altro, et che esse galie e fuste è a Constantinopoli niente più se preparava. Domandato se sono a lesto galie a Constantinopoli et Galipoli, disse sono di le altre in terra, ma non hanno homini de armate, che con gran stento se hanno armate queste.

Die dominicae 7 Julii 1532 al Zante.

Sier Zuan Batista Mazanello de Rodi habitante a Malta patron di uno bregantin di le Religion referisse: esser stato in Andre per intender de l'armata turchesca et vide ozi 15 giorni parte di l'armata turchesca andar verso Caristo per el canal de Andre, et il mercore seguente se levò l'armada e andò a la volta de Zia, et de Zia sabato passato, eri 8 zorni, si levorno et andorno alla volta de Cao Malio et passono a la Vatica con vele 73 in 74 oltra le qual ne erano velle 15 de Curtogli che quel zorno zonse là, zoe galie 5 et fuste 10. A suo iudicio sorse l'armada a la Valicha mercordì, et quello instesso zorno se levò tutta l'armada et andete alla volta del golfo de Coron, et venere de matina vete parte di essa entrar in canal di Modon. Dice che sono zerea 45, et che il galion dil Doria sora Caehano combatete con 10 galie dil Moro, et una galiota ne batete a fondi e tagliò l'arboro alla capitania et si andete il resto di le ditte galie verso Alessandria et il galion verso Cao Salomon.

Di le cose terrestre per sier Thoma Dracopulo venuto de qui al Zante in questi zorni dize aversi scontrato con l'agà del Dlomuzi el qual vien da Belgrado, manca ozi zorni 16, dise che'l Signor se trovava con tutto el suo campo a Belgrado e con grande exercito.

Relation de uno ciprioto fugito da l'armata 253¹ turchesca et venuto a Napoli de Romania.

Die dominicae 30 Junii 1532. ()*

(*) Si omette di trascrivere la presente relazione perchè è simile alla precedente che comincia: *Referisse Zuane Munich* e termina: *il galion verso Cao Salomon* (pag. 636 a 638).

(1) La carta 252^a è bianca.